

天一閣藏明代方志選刊

天一閣藏明代方志選刊

崑山縣志

崑山縣志序

國朝修崑志者三人李志遠矣
蔣不足徵也惟顧爲近之而太
畧焉補其所遺續其所不及以
成一邑之完書此其時乎顧予
非其人耳前令楊侯仁甫不知

予之非其人也而專委之編次
垂成侯適以召去今侍御王
侯子正繼至請於郡守肅齋王
公刻而傳焉將使吏茲土者得
有所考以行其政是故按城社
則思守焉覈民數則思養焉訪

習俗則思教焉脩貢賦則思敬
焉稽祀典則思正焉前乎吏茲
土者善必特書之則思齊焉或
不書則思懼焉此二侯之深意
也抑吾崑民生物產與他邑等
耳惟人才之盛則寔倍之故於

是獨詳焉將使承胤緒者起象
賢之心共閭井者奮嚮往之志
鉅公碩儒接跡而出以增茲邑
之重斯其上也其次一命之榮
一藝之善亦得以廁名其間則
夫人皆當感發而興起以求自

異於齊民而後已也豈可生無
益死無聞而負此文獻之地哉
此則操筆者之微意也鵬也抱
痾衡門舊學荒落深懼採擇不
精紀載不備勸懲無法以孤盛
舉然秉公持正之心則不敢不

自盡矣以此獲罪吾知不免焉
而亦不敢辭也是役也楊侯倡
之王侯成之皆能以文飾吏者
而揭三尹夔梁文學介亦與有
勞焉法得附書

皇明嘉靖十七年歲次戊戌夏四

月吉日

賜進士出身中順大夫右春坊右

庶子兼翰林院修撰

經筵講官編纂

御札同修會典前山西按察司副

使奉

敕提督學政致仕邑後學方鵬謹

序

崑山縣志凡例

一志固一邑之史然其體不同故於人片善必錄微瑕必掩有記載而無褒貶焉然褒貶亦自寓矣

一邑士大夫之賢者特爲立傳其事蹟簡少則系於題名之下或附見祖父傳末其可傳一也

一士夫貫籍兩京而實吾崑人者舊志俱載

今從之

一士夫分隸太倉而家于崑城如故者悉載不遺蓋弗忍遽絕之也

一名宦多從舊志有不得其事蹟之詳者姑撮其大旨於題名之下以俟後之君子決擇焉

一前志不書丞簿恐有志者無以自礪也今追錄之

007.1.4.1

一 恩典昉於顧志可以爲忠孝勸也故仍之
惟蔭子缺焉故補之

一 援例入監者前志已載莫敢廢也曷爲而
載之望其他日有以自立庶可考見耳死
則無望矣故略焉

一 二教事可傳者已間見雜紀中不復立傳
一 詩文必關風教係政體切民事者則錄之
餘不盡錄

皇土景元庚午

二

崑山縣志目錄

第一卷

沿革

疆域

城池

風俗

戶口

田賦

土貢

土產

第二卷

官署

學校

祭器

壇廟

塚墓

古蹟

第三卷

山

水

鄉保

坊巷

第四卷

市鎮

橋井

第宅

亭館

園池

寺觀

第五卷

官守

第六卷

進士

第七卷

鄉貢

歲貢

第八卷

薦舉

恩典

蔭子

監冑

第九卷

名宦

封爵

第十卷

人物

名賢

節行

文學